

Kommunit inuussutissarsiutinut anigaasaliissutigisartagaat, qularnaveeqqusiuttagaat, tapiissutigisartagaat il.il. pillugit Namminersornerullutik Oqartussat nalunaarutaat

Inuussutissarsiutitigut suliffeqarfinnut il.il. anigaasaliineq aqqutigalugu inuussutissarsiutit ineriartortinnissaannut peqataanissamut kommunit periarfissaat pillugit Inatsisartut inatsisaanni nr. 23-mi 18. december 2003-imeersumi § 15 naapertorlugu, aalajangersarneqarput:

§ 1. Kommunit ukiumoortumik Kommuninut Nakkutilliisoqarfimmut nalunaarusiaat suliarineqassapput immersugassami nalunaarummut ilanngullugu nassiunneqartumi.

Imm. 2. Kommuni suliniummut sumulluunniit kommunip tapersersugaanut immersugassaliortassaaq.

§ 2. Kommuni sunaluunniit suliniummut 350.000 kr. sinnnerlugu anigaasartalimmut anigaasaliinissamut qularnaveeqqusiinissamullu pisussaatisanngilaq Naalakkersuisunit akuersisummik peqqaarsimatinnani.

§ 3. Kommunit ataatsimoorussiffissaannik pilersitsineq ingerlatsinerlu, kommunit ataatsimoorlutik anigaasaateqarfliornissaat imaluunniit taamaaqataanik aaqqissuussinissaat, inuussutissarsiutitigut suliffeqarfinnut il.il. anigaasaliineq aqqutigalugu inuussutissarsiutit ineriartortinnissaannut peqataanissamut kommunit periarfissaat pillugit Inatsisartut inatsisaanni siunertap naammassinissaa siunertaralugu pilersinneqassatillugit pilersitsinissamut Naalakkersuisunit akuerineqaqqaarnissaaq piumasaqaataavoq.

§ 4. Kommuni sunaluunniit tapiliutigisami utertinnissaanik piumasaqassaaq:

- 1) Tapiiffigineqartoq paasissutissanik eqqunngitsunik paasinerlutaasinnaasunilluunniit tunniussaqaarsimappat.
- 2) Tapiiffigineqartoq paasissutissanik tapiiffigineqarnissamut pingaarutilinnik nipangiuissisimappat.
- 3) Tapiissutigisat tamakkiisumik tamakkiisuunngitsumilluunniit tapiiffigineqartuminngarnit siunertamut allamut atorsimappagit.

Stk. 2. Aalajangersakkami imm. 1 tunisassiat ineriartortinnissaannut tapiissutinut atuutinngilaq.

§ 5. Nalunaarut atuutilerpoq ulloq 1. maj 2004.

Hans Enoksen

/

Jens K. Lyberth

Ilanngussaq

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut